



Inatsisartunut ilaasortaq Suka K. Frederiksen, Siumut
/MAANI

§ 37 naapertorlugu apeqquteqaammut 111/2015-imut Kujataani umiatsiaararsortunut atugassarititat pillugit akissuteqaat

Inatsisartut suleriaasissaanni § 37-mi imm. 1 malillugu aalisarnermut aningaasaliissutissat pillugit apeqquteqaateqarputit. Apeqqutit uannit akineqartussanngortinneqarsimapput.

28-04-2015
Suliap normua. 2015-114629
All. normua. 1953056

Postboks 269
3900 Nuuk
Oqarasuaat (+299) 34 50 00
Fax: (+299) 34 63 55
E-mail: apnn@nanoq.gl
www.naalakkersuisut.gl

Apeqqut:

1. Kujataani umiatsiaararsorlutik inuussutissarsiuteqartunut atortorissaarutininik pisinissamut, assersuutigalugu amuartaatinik piniarnissamut immikkut aaqqissuusisoqarniarpa?
2. Iliuuseqarnissamik pilersaaruteqartoqarsimassappat, qaqugu atuutilissava? Pilersaaruteqartoqanngippat, taava sooq avannaani atuuttut kujataani atuutinneqassanngillat?
3. Nunatsinni umiatsiaararsorlutik inuussutissarsiuteqartut pitsaannerusumik atugaqarnissaannik Naalakkersuisut iliuuseqarniarlutik qanoq pilersaaruteqarpat?

Akissut:

1-imut:

Umiatsiaararsortunut atortorissaarutininik pisinissamut nalinginnaasumik tapiisoqartaranilu attartortitsisoqarneq ajorpoq.

Taamaattorli aalisartuq atortuminik annaasaqarsimaguni imaluunniit atortuminik ajutoorsimaguni Inuussutissarsiutigalugu aalisartut aallarteqqinnissamut tapiiffiqineqartarnerat pillugu Inatsisartut inatsisaat nr. 3, 21. maj 2004-meersoq naapertorlugu tapiiffiqineqarnissaminut periarfissaqarpoq.

Aallarteqqinnissamut tapiissuteqartoqassappat annaasaqarneq sillimmasiinermit matussuseresimassanngilaq imaluunniit matussuserneqarsinnaanissaat periarfissaassanani, tamanna inatsimmi § 2 naapertorlugu.

Aallaavisoq unaavoq aallarteqqinnissamut tapiissutit ataasiaannartumik tunniunneqartartutut aningaasaliiffiqineqartarmata minnerpaamik 2.000 kroninik annerpaamillu 25.000 kroninik, tamanna § 4 imm. 1 malillugu. Tapiissuteqarnermi tapiissutit sorliit tunniunneqarsinnaanersut suliame pisutsit suuneri apeqqutaassapput. Pisuni immikkut ittuni imm. 1-mi taaneqartunit amerlanerusunik aningaasanik tunniussisoqarsinnaavoq, tamanna § 4, imm. 2 naapertorlugu. "Pisuni immikkut ittuni" imatut paasineqassaaq tassalu pisumi immikkorluinnaq aalajangersimasumik pisoqarsimassasoq.

Aallarteqqinnissamut tapiissutissanut aningaasaliissutissat aningaasanut inatsisikkut aalajangersarneqartarput. Aningaasaliissutissanit taakkunannga aningaasaliissutissaqaraangat aatsaat qinnuteqartumut tapiissuteqartoqarsinnaavoq. Taamaaliornissamut qinnuteqaammik nassitsisimanissaq piumasaqaataavoq.

2-mut:

Avannaani aaqqissuussineq innersuussutigisat namminersortutut sulinermi inatsisitigut isumaqatigiissuteqarnerit tunitsiviup aalisartullu akornanni pisarpoq, taamaattumillu Naalackersuisunit susassaqarfigineqarani. Kujataani aalisartut assingusumik aaqqissuussamik periarfissinneqarusukkunik tunitsivik namminneerlutik attavigisariaqarpaat. Taamatut isumaqatigiissusiortoqassappat suliffeqarfiup nammineq tamanna aalajangigassaraa.

3-mut:

Nalunaarutigissavara upernaq kujataani angalaqattaarsimagama angalanermalu kingunerisaanik kujataani umiatsiaararsortut atugarisaasa pitsanngorsarnissaanut periarfissanik misissuinerit aallartisissimallugit. Taamaattoq aamma ilisimatitsissutigissavara Aalisarnermut, Piniarnermut Nunalerinermullu Naalackersuisoqarfik qanittumi Kujataani paasisitsiniaasussaammat, aalisartut sunik tapiiffigineqarsinnaanerminnik ilisimasaqalernissaat qularnaarniarlugu.

Inussiarnersumik inuulluaqqusillunga

Karl-Kristian Kruse